

續修四庫全書



《續修四庫全書》編纂委員會編

續修四庫全書

上海古籍出版社

一四九〇・集部・別集類

香蘇山館詩集三十六卷（古體詩鈔卷四至今體詩鈔卷十九）〔清〕吳嵩梁撰……………一

王文簡公文集四卷附錄一卷〔清〕王引之撰……………三五三

青芝山館集二十七卷〔清〕樂鈞撰……………四一三

香蘇山館古體詩鈔卷四

東鄉 吳嵩梁 蘭雪

百歲張節婦詩

謂妾無夫妾有夫六載恩愛誓不渝謂妾有夫妾無夫
七十九年形影孤天南地北音信無妾身閨閣心江湖
青裙白髮涕泪枯妾身冰雪心夢茶嫁夫年十五一女
癯癯伴孤苦待夫至百齡夫竟不歸目不瞑苦節上壽
皆可傳旌典不得邀生前一抔黃土埋寒煙有姪能文
銘厥阡

謂蔡東
璧明府我詩合共貞砥鐫女貞一樹青參天
補題蔣心餘先生攜二子游廬山圖即送師退之

香蘇山館詩集卷四

桂林

青芙蓉插白雲出天與先生作詩骨偶然憑眺亦千載
屨齒蒼苔肯埋沒從游況有大小蘇笠檐高下筠枝扶
松風瀑布答清響一字濺落千明珠此畫成後八九年
吳生始泊潯陽船五老峯頭華月吐涼夢夜照潭玉淵
此詩傳和欲千首吳生始載藏園酒老梅花下拜涪翁
許與諸郎爲石友騎鯨一去雲海空吾儕聚散如秋蓬
名山小住尙難必何況樂與天倫同翦燈夜讀斜川集
江館開簾嵐翠溼墨痕慘澹對三更山鬼詩仙皆飲泣
仲兄書到薊門秋君去灘江又買舟雲泉且與開懷抱

莫更看山愴昔遊

題譚七子受光祜兒女英雄圖舊照兼呈君農光

解

驚沙捲地霜草枯陣雲如幕圍穹廬天馬蹀躞鞭珊瑚
牙旗一丈風舒舒金樽漱灑翠袖扶馬前艷絕雙名姝
紅綃作妓崑崙奴譚生意氣天下無我與譚生七年別
肝膽向誰傾熱血飽看江南萬樹花蓬門歸掩蘇山雪
富貴神仙願未成酒酣俠氣猶縱橫扁舟來聽章門雨
鐵笛重吹塞上聲吾儕磊落眞男子萬里功名年少始
肯將駿骨換黃金要令蛾眉附青史憂患頻年閱漸深

香蘇山館詩集卷四

二

贈君寶劍更沈吟封侯亦是尋常事莫負平生學道心

又題鐵簫乞食圖

烏金尺八涼於水蓮花吹落秋江裏美人駿馬佳公子
落魄相逢竟如此吳市鶯花閱幾春舊曾遊處我傷神
西華葛屨淮陰飯一樣天涯失路人

酬李晴雪宗清畫竹兼寄尊甫草廬丈

君懷此君軒池邊好修竹浣筆畫清湘枝枝映寒淥雨
餘筠粉香展卷秋意足想見澹石人臨流結詩屋
我有石溪館秋筍高於林雲水成一碧蕭然生晝陰愛
此畫中枝卧影同情深詩就寄溪上爲寫平生心

香蘇山館詩集

二〔清〕吳嵩梁撰

據華東師範大學圖書館藏清
木犀軒刻本影印原書版框高
一六三毫米寬二一三六毫米

題萬輞岡小像兼謝作石溪詩意圖

輞岡畫手高無敵，曳裾不願王門客。歸卧濂溪舊草堂，湖山跌宕狂猶昔。梅顛新句瘦難勝，寫意惟君筆妙能。更五百年知此夕，萬花凍合一溪冰。

新建陸遠亭明府出其大父歸田讀書圖屬題

江田負郭松圍屋，插架縹緗盡經讀。高雲爲雨不歸山，溪影倒涵秋樹綠。先生作官閭嶠邊，手種桄榔半插天。荔支飽啖亦快意，終愛蓴鱸一味鮮。片帆歸翦吳淞水，三徑荒蕪重料理。猿鶴相將迓主人，幽花瘦竹都歡喜。秧針如繡田水平，牛笛緩緩煙中行。腰鎌映雪紅稻熟，

香蘇山館詩集卷四

三

村酒可釀蔬可羹，落葉疑雨天有星。殘編入手黏枯螢，誦聲夜半撼林末。寒缸依舊見時青，富貴尋常眞脫屣。高格如今能有幾，一篇循吏授文孫。千首新詩傳甫里，我家舊館在香蘇。負米年年感索居，歸耕有約期終踐。門掩梅花白讀書。

題萬五廉山請纓圖

書生早負封侯骨，濟南終童今再出。白麟對後請長纓，才子英雄俱第一。君作此圖年十五，劍氣如龍已騰擲。副車誤中博浪椎，去謁將軍但長揖。荆蠻小醜敢跳梁，大帥旌旗兩湖集。君來幕府啟蓮花，玉立長身映金戟。

營門夜掩山月高，萬馬無聲看艸檄。奇兵問道解重圍，輕騎宵行斬渠賊。但誇書記是奇才，誰信軍諮能料敵。天威計日掃欃槍，銅柱千年銘戰績。功成不肯畫雲臺，來判江南五花筆。酒酣告我淚沾衣，知已平生姜與畢。度香秋帆兩制府二十年，前兩少年嗟我與君皆丙戌。君今作吏，我計偕壯志蹉跎踰三十，丈夫經世有實用，詎肯甘心老篇帙。勸君早種墓門松，努力且供縣官職。三吳財賦甲天下，百萬蒼生需緩急。兵農從古政相通，綜理要當無事日。漢家將相守，令多絕代勳。名能自必邊兒不識，棄繻生請看此圖先屈膝。

香蘇山館詩集卷四

四

又題雪夢圖

千花萬藥凍成雪，花裏玲瓏見明月。衝寒特換五銖衣，人影梅魂都豔絕。梅顛風味共平生，重展冰綃恰有情。生愁綠鳳嬌啼早，今夜羅浮夢欲成。

題張古漁敦仁郡丞攜二子游廬山圖

廬山之雲白成海，廬山之松青刺天。青松白雲往往互，出沒奔流萬仞直。下九疊屏風前，先生踏雲來五老。手俱抗從以兩鳳，雛左筮右筇。杖雷霆戰苦冰雪寒，怒濤勢欲浮千山。松邊覓句水邊坐，雲意詩意同一閒。匡君別我十七年，塵土汨沒人事牽。名山咫尺有約不能赴。

半江空翠夢泊潯陽船先生山中歸示我紀游卷綵毫
飛擲萬芙蓉倒捲銀河入詩硯我慙且妬誦不休化工
乃爾窮雕鏤徑思蠟屐追前游病鶴一放江天秋下視
彭蠡眞浮漚三峽磯前萬松樹雲陰容我結茅住但覓
先生聽泉處

李晴雪試馬圖

龍媒八尺毛骨殊錦鞍玉轡鞭珊瑚李郎愛此性命俱
霜蹄一蹴萬里無我如病馬伏櫪久甘與駑駘共升斗
孫陽晚遇亦蹉跎駿骨千金復何有單騎衝寒指鳳城
酒酣讀書眼先明杏花三月紅成海待汝天街並轡行

香蘇山館詩集卷四

五

孟春初二日入都

前日守殘歲昨日迎初春團圓酒一盃今朝餞行人行
人路久諳所畏非關津內顧增隱憂迴腸轉車輪
吾母體素孱旨甘況多缺卧病今始蘇頭白愈成雪望
兒貽令名強觀慰新別暗中神恐傷仰觀淚承睫
有婦亦中年持家多苦顏連宵泊行裝盡質釵與環勸
我當速行望我當早還馬蹄一尺塵閨夢千重山
三姪皆少孤讀書多未成教養苟不勤九原愧吾兄我
生惟四女婉孌如雛鶯臨行牽我衣亦覺難爲情
及門有陶生本忠其才亦雛鳳早唵霜哺篇幸入玉堂真

風雪從斯遊舟車我能共傷哉寢邱人負薪有餘痛生
節母梅孺人之子廉
吏陶公金諧之孫

晴雪在庭樹鵲語何植植謂我此行利先期當報家我
心反哺同羽毛悴天涯願汝傳好音春風簪杏花

自書南唐官硯詩後呈漕帥鐵冶亭先生

吳生琢句如琢硯一字工夫經百鍊惜哉不令鐵公見
鐵公愛硯如愛才片石價重黃金臺惜哉不遇吳生來
此硯歸公今得所不然棄擲終塵土吳生潦倒二十年
賀硯以詩心獨苦東風一擢凌黃河墨花怒捲千層波
自攜新句擲公袖識公不早眞蹉跎公能擊節吳生歌

香蘇山館詩集卷四

六

此詩此硯今無多嗚呼此詩此硯今無多生不逢公當
奈何

詩龕移竹圖爲法時帆式善侍講作

霽堂繆中翰畫人如畫竹一生骨韻無由俗夢禪瑛布
炳泰畫竹如畫人千枝萬葉同清真主人愛竹復愛詩身與
詩龕作住持龕中移種竹千枝日在畫中人不知詩龕
近在慈恩寺便是西涯移竹地石田老筆已荒寒此畫
蕭然得詩意竹性只愛湘江幽移種長安非所求灌以
玉泉此君醉詩龕一雨成新秋擔頭日日人賣花碧桃
紅杏爭繁華主人高臥看修竹門外忙殺游春車我來

同拜茶陵墓歸就主人移榻住筍衣脫盡粉猶多風香
吹透湖邊樹故鄉亭館亦蕭森手植年來半出林昨夢
尋詩攜舊侶水雲綠遍栢溪陰

下第後用歐陽文忠公集中韻呈少農戴蓮士師
薊之北阻江之西鄉心已起身猶稽廿年蹭蹬期一騁
鹽車失勢哀霜蹄同學後先掇高第盛年意氣干雲霓
俊鶻摩空縱奇翻秋蛩向夕聞酸嘶撐腸萬卷愧何有
到眼五色非終迷玉堂修史爇紅燭書生守分甘黃蘗
所憂薄養乏升斗敢因困辱嗟塗泥先生德望冠臺省
絳霄千仞升無梯卻愛飢寒出新句欲窮幽怪然靈犀

香蘇山館詩集卷四

七

病鶴肯分清俸飼驚鳥仍借高枝棲百年富貴一彈指
女蘿上與喬松齊才華冠古不經世何異舞鏡矜山雞
遭逢縱快鯉燒尾老大已笑楊生梯香蘇山下我所宅
湖光十頃浮玻璃風塵暫作計偕客骨肉動是經年睽
村居絕妙入圖畫騎牛安穩勝駢驪稻田一雨高下綠
水聲入礪花連畦北窗高臥看山色芒屨未用勞攀躋
衰親兩鬢早成雪花前拄杖須親攜酬恩無計但感泣
歸耕有約先扶犁

禮烈親王克勒馬歌二首國初禮烈親王有良馬

曰克勒猶漢言棗騮也順治朝汪編修珣爲作

傳今禮王汲修主人屬張檢討問陶爲補圖馬

高七尺長丈有咫耳際肉角寸許腹下旋毛若

鱗甲然在軍中每聞鼓聲奮迅欲出嘗乘至安

平適病蹄自跑土出泉洗其創而愈今有聖水

泉王薨馬聞哭聲哀鳴不已未幾遂斃比奉天

歲取馬至王猶問孰爲克勒馬種必善飼之嵩

梁嘉其有古烈士之風因作是詩附書圖後

長白山高江水黑天遣神駒歸貝勒諸將遠巡不敢騎

渾身血汗桃花色頭角嶄然鱗申動始信天龍有真種

生立功名死報恩畫中見汝猶神勇吉林岡連薩爾滸

香蘇山館詩集卷四

八

巨礮驚雷箭如雨霜蹄奮蹴陣雲飛三十萬兵殲一鼓

辛苦身經百戰場自跑泉水洗金瘡路人今日尋靈蹟

一掬春波映夕陽

烈王勲德史有傳天馬今從畫中見百戰歸來汗血流

論功馬亦當封侯王師破陣如破竹王來騎馬如騎龍

四蹄雷電雙耳風但聞戰鼓先騰空跨山驀礪若平地

豈知身在重圍中箭傷刀斫不能死得意騰驤日千里

王歸天上馬人間矯首蒼雲淚如水功成身殞爲酬恩

刻石昭陵未足論遼海年年千騎出王孫猶問舊龍孫

夏至日同法梧門侍講式善吳穀人祭酒錫麟謝

香泉禮部振定戴金溪刑部敦元張船山檢討

問陶楊蓉裳員外芳燦吳玉松編修雲吳山尊

編修蘇蔡沆霞禮部鑒揚李虎觀戶部邦燮譚

蘭楣禮部光祥陳石士庶常用光陳玉方刑部

希祖李春湖學士宗瀚蔣師退大令知讓胡香

海大令森黃賁生大令郁章陳雲伯孝廉文述

郭厚庵明經堃姚春木上舍椿集春雲書屋分

韻得爲字

深院不知午青藤陰四垂蟬聲一何新風過鄰樹枝盡
簪及清暇林館洵所宜停尊於涼雨天末雲漸移兩君

香蘇山館詩集卷四

九

詠皇華使節已先持黔山湘水間嘉會懷初離是日命典

試官王松得貴我非經世才百事無可爲寄託在文翰

州蘭相湖南醉墨供酣嬉幸諸素心人愛我容不羈一卷抱冰雪願

與平生期

徐貞女詩長洲管錫齡聘室

女兒十六花一枝入門但著白麻衣郎生未嫁死始歸

月照空房霜入幃夢中郎來妾不知百年甘守聘一絲

殷勤爲郎奉翁姥郎在黃泉莫心苦妾死爲郎墳上土

穀人祭酒招集有正味齋分詠得許道寧夏雲欲

雨圖

微雨欲來山閣暝白雲收盡中峯影涼翠濛濛透葛衣
一枕風泉夢初警車聲門外卽紅塵畫裏何緣著此身
平生愛服清涼散去訪河間賣藥人

六月十二日山尊編修招集藤花書屋拜黃文節

公像

天爲江西闢詩派生此倚天拄地筆一枝我恨公生太
早不我識夢公授我退聽堂中詩十一年前見公像質
以所夢了不疑後生可笑不自量瓣香徑欲從公私是
日祀公南昌之使院篆烟縹緲清笙吹使者自稱公弟
子肅肅前拜諸生隨三家注本銀版告初戴公之精神

香蘇山館詩集卷四

十

面目凜然如生時乾隆庚戌事江西舊無任淵史容季溫三注全本翁覃谿師時方督學命同人按刊使院并公裔孫當所著年譜及鄱陽許尹序皆全聚散不可必得失心自

知一聲鶴唳別秋渚萍蓬豈得常相依今年值辛酉人

才萃京師爲公作生日頗憶南昌時上溯元豐之四載

俯仰今昔含餘悲公時改官太和令飽噉陳家新荔支

其年長我僅一歲元豐辛酉公年二十有七抗懷已作千秋期石牛

洞口山谷寺去年十月先有題橋詩嗚呼我公論文質

厚以爲本又云詩非苦思不可爲要從至性發神采但

求曹劉李杜皆毛皮沉憂百鍊出奇警一字落紙山不

移想見宜州戍樓大風雨飢凍日日撚吟髭公詩自道

痛至骨世上但賞瓊琚詞用公潛溪碑詩句平生游蹟刻不盡

今日有祠兼有碑涪翁以自號別駕人所思此外黔安

居士八桂老人不復知爲誰只有山谷得名早至今皖

公蒼翠疑霑衣山川顯晦亦有幸不幸何況文章風節

萬古垂我謂公之魂魄定不死游戲人海或者騷雲螭

不然公生修水死於宜始終乙酉同一炊距今七百五

十有六載我輩安能壽以花前卮

書傳忠毅公遺墨後名宏烈南昌人國史有傳

慶陽告變賊切齒

詔徙梧州臣不死廣西失守官乞降殺賊臣當爲厲鬼

香蘇山館詩集 卷四

士

怒挾江濤行十里神蛟暗掖忠臣起投身賊中賊不知

乃入虎穴探虎子馳書欲撫孫延齡廣西將軍握臂深交尙

可喜平南王韶州斬獲復潯州義勇五千臣一體官階肯

負大將軍臣本江西布衣士馬雄之叛臣家亡百口同

日埋沙場有司憂卹臣心傷柳州分據賊勢猖退保中

山攻左江桂林稍定籌軍糧湖南會合士馬彊綠旗百

戰鋒莫當

天威計日收櫓槍尙家之信飲日狂求馬求礮心傍徨

厚集兵力東西防密疏入告周且詳惜哉誤收承蔭降

子馬雄大功未就身先戕是維康熙十九載其時九月天

雨霜孟冬穆占復貴陽得公骸骨歸南昌

賜葬入祠謚忠毅嗚呼傳公眞不媿才能濟變死從容

碧血淋漓手書字六世有孫官縣丞徽

丹墀頓首涕濕膺奏呈

御覽寵益增還以世守俾雲祚公氣河岳忠青史豈重

區區書一紙敬承先澤酬 國恩勉立功名自今始

周定王蘭雪硯翁覃溪師屬賦銘云割紫雲之片石兮漾璧水之元光

光款署蘭雪背口東書堂寶

周藩宮裏端溪石留與蘇齋試烟墨四百年來璧水香

鐫題古篆看猶識騶虞獻後歸大梁不願移封就洛陽

香蘇山館詩集 卷四

士

帥儒曾聘劉長史詞賦雅重東書堂鎮平博平皆好士

南陵西亭亦相繼本草圖成爲救荒幽芳千種誰重繪

汴河橫決浪如山迎取金容沒水還一片僊雲依舊紫

卻隨玉椀出人間元朝宮樹傷心碧樂府當初歌不得

斜陽秋草十三陵今日蟾蜍淚重滴未央殘瓦永平磚

都與人家作硯田尋常故物知何限名字關心特可憐

九日同法時帆學士謝香泉禮部楊蓉裳員外李

墨莊主事蔡浣霞儀部劉芙初許青士兩孝廉

陳石士庶常集陶然亭分韻得霞字

長安亦有感秋地幽尋不許塵隨車野亭三面俯雲壑

荒田一白皆蘆花哀蛩沿徑語相答閒鷗得水浮爲家
石邊寒瀨響激激林際密雨來沙沙老紅半樹葉爭墮
濕翠數峯雲互遮聽鍾更覓煙外寺汲井欲試春前茶
可憐古佛我同瘦向來廢殿今增華形骸自笑亦土木
供養何處無煙霞浮生憂患日千種吾儕聚散天一涯
風塵落魄有孤鳳歲月回首如驚蛇奇書海外客爭購
望莊自疏 戰鼓城頭君自撾 蒼裳前以守伏 舊游十載 球使歸 苑功還州牧
此蠟屐新詩九日誰籠紗青山荷鋪便沉醉黃菊插帽
從欵斜酒酣落筆氣逾壯不知凍墨塗成鴉

餞秋日再集陶然亭歸飲蓉裳寓齋兼懷船山

香蘇山館詩集

卷四

三

去日卽千載何必古與今重陽前度賞秋地紅葉漸少
青苔深縱使歡悰尙如昨繞亭屐齒誰能尋暫別卽千
里何必天一涯秋光如此不成醉瘦殺枝枝黃菊花縱
使夜遊燭堪秉故人明日風中沙故人難聚秋可惜今
日送秋如送客蘆花盡處只斜陽遙山一帶傷心碧長
安車馬塵漲天此地曠觀殊可憐座中酒客何僊僊前
多老蒼今少年少年跌宕百不憂日日題詩徧寺樓高
才自合致身早痛飲肯負今年秋壯遊我亦青春客四
度看花踏陳跡黯黯秋心二十年青山依舊頭初白感
君意氣爲君歌海內知己今無多清狂卻憶船山老不

其花前金叵羅

時船山分校鄉闈

黃貢生由庶常改官彭水令屬船山畫冊贈行

我乞老船畫爲贈貢生行貢生復乞我題句我先讀畫
難爲情怒濤出峽蒼厓裂中有啼鵲古來血君行未抵
劍門關已見千山萬山雪君本謫仙人簪筆白玉堂一
官忽墮百蠻裏文采爭憐孤鳳皇君我同歲生先我已
通籍板輿迎養亦風流何事看花感淪謫縣令況是親
民官讀書用世宜心殫能令赤子輸誠早豈畏青天行
路難涪陵風土古稱厚頗習詩書安井臼山城前歲賊
經過戰地重耕田苦瘦君出作吏憂未嫻杖藜那得窮
幽攀先除積弊養元氣訟庭兀坐如名山我求進士不
得進霜雪蹉跎生旅鬢天寒愁煞倚閭人白雁南來少
鄉信暮雲慘慘風蕭蕭送君更上蘆溝橋交君十年別
萬里去住蒼涼乃如此君行復向故鄉過爲問衰親病
若何平生空負凌雲氣今日相看淚最多

題襟館草木雜詠

老梧一千尺特立異羣樹孤根天所培年深飽霜露人
間自春秋榮悴守其素
青蘭抱素心寄生蕭艾間叢深時一花香遠如空山臭
味平生同對之終日聞

亭亭丹桂枝初花已含凍月中田地寬僊人不爾種零落小山秋飄香入殘夢

黃菊有正色離披終可哀心知背時花獨爲秋土開病蝶亦無依避人常一來

海棠花不多枝枝濺紅淚弱質難自持情深天亦忌可憐絕代人金屋轉憔悴

葵花大於盤高幹擎風霜感此負米客孤露同所傷但餘一寸心宛轉依秋陽

木蓮能拒霜自許乃標格不幸以艷名東風苦未識嫁晚豈傾城秋江照顏色

香蘇山館詩集

卷四

五

楊柳未搖落慘綠先自憐跪地千萬絲畫此銷魂天斜陽已不堪況復飄殘蟬

種竹望成林碧陰浸庭院吾愛秋筍枝粉落節逾見捎雲氣千尋根乃蒼龍變

短籬蔓牽牛花葉同一綠故園秋雨多時時上鄰屋再誦采藍詩離憂頗悵觸

蓼花亦能紅其枝難強扶移栽壞墻陰潦倒思江湖扁舟我未歸夢與沙鷗俱

江雁才一聲秋色已如此枝葉爛成花苔陰照紅紫老景能自妍早衰殊愧汝

孤芳秉佛性嘉名優鉢羅託根豈無地奈此秋風何持此一現花佳世終蹉跎

述懷呈鐵冶亭先生

長白秀特鍾公秉青雲委其才可經國餘緒傳歌詩我生蒞蔣中少亦遊京師題襟徧羣公識公眞恨遲去年來廣陵載艤淮陰權一刺龍門投未見心孔悼公時在病中強起著紗帽覲面領神解拈花但微笑我初未見公私淑由門墻索題官視詩感激歌南唐此詩今寫獻賀硯先自傷片石豈足矜所幸歸歐陽貽公詩一冊報我以千首攜壓運租船龍光射牛斗公

香蘇山館詩集

卷四

六

詩海與江百變無不有相契在昔岑託公名不朽期我共千載憫我才一科淵源出大賢差足償蹉跎公

早樹桃李孫枝如筍多微名乃深注感愧當如何與中門

別公入京師再下春官第公卿本愛才命窮才亦悴射虎石誤穿軍中惜猿臂擊楫渡黃河依然負奇氣

國士感知我一第安足酬致身貴年少祿養況所求衰親望成名霜雪今滿頭無官亦早歸歲歉難爲秋

公官雖督漕晨餐但秋菊貽我薦土書代謀將母粟吳越多舊游硯田望先熟瓣香誦公詩蘇山閉門緣

題蒲髯出塞圖

廣文四十鬚如戟一第蹉跎老纔得報罷依然作冷官
壯遊苦憶深陽客灤陽秋色似黃河萬騎塵沙擁駱駝
名王扈

蹕軍容壯蕃將吹笳朔氣多君騎瘦馬衝寒出行帳從
容看珥筆想見詩成笑仰天青海風高皂雕急男兒意
氣勒燕然書劄依人亦可憐酒酣一拓黃金弩我憶將
軍射虎年

竹柏樓詩爲袁節母作兼示又凱秀才

樓上星與月樓下冰與雪母居樓中央竹柏矢高節柏

香蘇山館詩集卷四

七

堅竹苦寒樓居十五年母足不履地母心惟籲天母身
未死心先死願天佑我少孤子母身雖死心猶生願兒
讀書成令名節母之子多儒林上天下地鑒此心君不
見陽湖洪太史雅存先生鏡影機聲畫圖裏袁家孤兒亦如
此

康山草堂歌爲江韻雲作

康山一卷石寄託城市間得姓乃以狀元誤盛名遂壓
揚州山當年流竄猶英氣傅粉簪花恣游戲若果尋秋
到草堂名山便是埋憂地山上危樓倚夕陽風帆葉葉
度雲檣隔江遙見萬峯揖白鷗影盡連空蒼山下不知

何代墓王侯草木今同腐夜半衣冠尙出遊神燈吹入
青楓樹吳生年少來揚州第一華筵開此樓燭花萬朵
照狂醉天河倒入銀槎流琵琶仙語復鬼語一曲聽殘
淚如雨人海飄零又十年素心賴有山靈許昨夜秋風
隨雁來主人招我傾新醅桂花三日落成雪飲酒不痛
徒心哀君不見康對山歌且舞救友汚名心獨苦烏紗
一擲能千古英雄才子亦黃土碌碌狀元何足數

書陳耳庵

鴻緒

解元疊韻詩後

手種桃李花不如松與柏耳厭箏琶聲不如金與石書
生長揖氣吐雲豈少堦前地盈尺鐵公愛才天下知能
香蘇山館詩集卷四

六

得真才意尤惜陳生倜儻真解元詞場年少推眉白十
年書劍西復東傾蓋我記吳王宮有才如此士不進可
憐硬句猶盤空酒酣縱讀氣爲壯淮海決決吹大風險
韻十賡力千倍誓與韓孟爭奇功大材槃槃待梁棟讀
書豈以科名重歸舟我望馬當山一權正須風力送秋
霄何地縱神鷹老竹無花待飢鳳願君寶此璧連城他
日當爲廟堂用

韓王鈞臺再用杜韻

漂母祠前森古柏韓王臺下留荒石漢家陵寢已成灰
哭兀此臺更千尺英雄絕代位置難布衣王侯俱可惜

淮陰年少不登壇秋水一竿髮應白八千子弟來江東
楚人一炬無秦宮鴻門宴罷玉斗碎雲夢游成飛鳥空
嚴陵後來豈鑒此山水高被先生風文叔推心勝推食
諸將幸保雲臺功感時寂寞思梁棟一臺獨以韓王重
失路王孫我再來荒江一飯嗟誰送人間遭遇殊可哀
野雞得意成威鳳生死功名兩婦人眞王如此眞何用

黃心庵 承增 招飲同裘參軍話舊

扁舟暫繫淮陰樹明日北風迴櫂去踏歌岸上來汪倫
挽斷青衫留客住黃山詩老尤難得半面未謀心早識
弔古來經漂母祠江山萬古同蕭瑟吳娃十五嬌可憐

香蘇山館詩集 卷四 五

畫橈迎取來樽前新花一朵照江水疑是江南三月天

吳生小別江南秋二十四花生暮愁 曲中舊有此名今

尚在花事 今年病起髮先白此身雖在如浮漚夜闌重

已秋矣 聽湘絃語宛轉新聲換宮羽黯黯江雲凍不飛歌珠百

串拋成雨痛飲爲君倒玉杯美人名將易成灰韓侯釣

石今千尺誰肯衝寒更一來

香蘇山館古體詩鈔卷四終

香蘇山館古體詩鈔卷五

東鄉 吳嵩梁 蘭雪

秋懷二十首

此生幸爲人此日殊可惜僊佛與蟲沙前身香難識失
腳塵海中自援苦無力惘惘三十年勞勞半行役

少秉猿鶴性邈然慕山林一墮文字障俗累從此深讀

書能等身其氣頗駸駸所志乃日卑不過纓與簪文體

摹東京賦才誇上林哀哉失衣珠敝帚成千金

匹馬踏槐花七戰皆不利名慚公府徵賦

召行殿試一科如登天旣得亦憔悴頗聞主司賢遺珠

香蘇山館詩集 卷五 一

發深喟岸幘公卿間窮途負奇氣遼海秋風高蒼茫萬

行淚

骨相太寒瘦富貴非所期縱燒場屋文獨力昌吾詩哀

吟屏人事一字千鑪錘搜奇天亦驚鑿險山爲移夢中

得僊筆古來傳者誰心花連夜開不借東風吹

仙詩吟未成百鬼怨交集憂端從天來破巢風雨急身

名苟自全寒餓計焉及一區供祀田租亦縣倉入

故鄉已無家襍被江淮遊持節有故人高義傾諸侯念

我父未葬窀穸爲代謀知我母須養饋遺無不周庭闈

願粗給身外吾何求平生感激多此德逾山邱

江南冶游天花月美無價玉人吹洞簫行雲駐歌榭誰
知感秋客歡場轉悲咤酒半權船迴獨哭平山下
同心不數人各在天一方別久斷消息傳語多不祥遺
書求茂陵殘笛哀山陽我死詎足悲餘生厭風霜所媿
負知我百歲皆尋常

勞人故倦游雲壑懷清虛南豐有廢宅借讀名山書門
集郡諸生俸分鄉大夫傳經媿都講迎養宜板輿一亭
園古松一圍種新蔬團圞奉菽水此味殊有餘

舊歲留公車羈懷苦抑塞四月斷家信中夜擾魂魄孟
秋書始到慈體果不憚吾母嗟早衰憂勞有由積侍疾

香蘇山館詩集

卷五

二

茲不遑浮遊本非策積雨連關河百計歸未得典衣購
紫葳臨寄淚先滴

我生惟一兄不幸已暴天膝前四孤雛慘若墜巢鳥依
我今十年飢寒幸相保學行憂未成婚嫁畢須早我年
將四十一兒髮未燥種松望參雲樹成人亦老槭書慰
寒閨頭白孫可抱且偕姪若婦殷勤事孀嫂

畿輔壯遊地連歲多偏灾蛟鰐狎巨浪所至山爲摧百
家無一椽沃壤淪蒿萊水退差可耕飛蝗亂成堆民窮
不爲盜橫死良可哀吾鄉更苦旱地瘠天不培貧家三
十口請粟誰通財我爲求養出閭此心驟灰決計埽蓬

戶扁舟歸去來

治裝七月杪才下通州船船行復濡滯望眼渴欲穿九
月抵揚州十月當言旋一病三十日性命如浮烟埋頭
藥裏中身世殊了然夢蟲苦未足書蟬安得僊且復忍
須臾勞生眞可憐

昨夜秋雨來先集梧桐樹病中聞此聲悲深轉成悟天
地本寄廬萬劫一朝暮此身但微塵浮沈況多故自立
苟不堅達觀亦爲誤請看歌舞臺下有英雄墓
丈夫樹奇節殺賊當提戈櫓槍淨一掃民氣歸天和對
策空萬言不登李郃科故山可歸矣經世將如何

香蘇山館詩集

卷五

三

年少矜才華跌宕日千紙偶效六朝人佳句遂成綺意
外流傳多閨閣效吳體詩成入繡絲其新亦可喜老筆
今無花名心冷如水一榻茶煙青但求新睡美

閉門臥兼旬醺雞甘處囊讀史忽長嗟古賢入新夢觸
邪忌神羊忍飢悼孤鳳眉火人不知履霜天已凍大廷
正需才迂儒本無用蛾眉畫未成謠詠女先眾埋照託
疎狂酒悲時一縱知已九原多仰天心骨痛

二豎夜相語此客狂且愚窮愁死不悔苦吟方自娛不
如縱使脫罰令追詩連昏眸試一揩庭菊如麗姝秋陽
暖病骨計日當潛蘇白鷗心已飛浩蕩歸南湖

皇天憫奇窮官逋荷寬貸石田雖就荒草堂賀猶在老
桂枝出樓蒼雲偃成蓋牆外香蘇山依舊掃寒黛人海
閱已多村居終可愛溪梅吾故人花開當下拜

讀書二十年所見無一班學道悔不早憂患高於山古
人持定力出處殊安閒如何背康莊自行荆棘間治疾
窮本源百念秋草芟人天問慧香豈在局禪關扁舟持
釣歸柘溪多白鵬悠悠溪上雲未暝先知還

題詞附錄

王芑孫 鐵夫

昌黎古之狂累作秋懷詩老鶴中夜警疲馬長塗嘶
吾儕本秋士屬詠固其宜君顏若春花詩又奮其姿

香蘇山館詩集 卷五

四

當時青鏤管艷發桃李枝心花所怒生不遣春風知
年來久憔悴把鏡瘦通眉可憐標梅嫁窮窵難自持
卻歌壯士行決去幼婦辭幽響激哀玉孤致鳴寡絲
么絃急無緒變徵聲匪怕鮮新出古澹抑塞成離奇
五降不容彈悅魄恒於斯我聞春絢爛凍閉以爲基
秋爲歸根始刊落亦所司領將霜前意渺我物外思
誰能落其實索饗就晚期中聲要有止清廟登噫嘻

次韻答吳暉宇 焄

卽送歸南城

江雲久隔廬山面舊歲公車才一見邗上題襟墨未銷
萍蓬明日風吹散故園可耕山可樵京塵不到龍門橋

扁舟歸去夢先美菰蒲兩岸秋蕭蕭讀君新句真傾倒
意氣縱橫風格老筆采猶開夢裏花名心未翦霜前草
酒狂一吸三千卮熱血平生澆向誰籠中病鶴仰天泣
爭及閒鷗自在飛床頭鐵笛新求得贈汝摩挲銷永夕
莫遣龍公倚櫂吹離人一聽頭俱白

次韻樂元淑寄白菴大庾

風塵漸老人間鳳鄉信經年隔章貢斜陽衰柳畫傷心
去歲與君曾入夢百花洲水秋屏陰畫蘭畫竹詩同吟
興狂潑墨日千紙當時意氣殊駸駸榜下秋風吹馬首
前年同醉離筵酒一第蹉跎老未成經世才高復何有

香蘇山館詩集 卷五

五

今年匹馬辭燕郊幽棲誓結蘇山茅相如爲郎本非願
賣賦聊解臨邛嘲淮海歸來舟一葉壯心誰擊中流楫
聞君痛飲日無聊卧對滄江更愁絕病眼看花得暫新
百年須愛苦吟身白頭能踐匡山約俱是儒林傳裏人
去年七月十三日夢白庵示一畫卷屬題絕句云繫馬
斜陽何處村亂蟬鳴咽又黃昏垂楊誰畫當年樹葉葉
秋烟是
淚痕

題梓州惠義寺塔中唐人書藏經墨跡

二百十六字一字一牟尼雷電掣不去風火窮所施歷
百千萬劫佛力陰護持塔圯寺亦廢完好如新時徐公
遊梓州購此心力疲珍弄三十年考證疏羣疑鯁生陋